

明清史料叢書

于浩◎編

續編

國家圖書館出版社

于浩◎編

明清史料叢書

續編

13



國家圖書館出版社

今言類

編下



第十三冊目錄

卷四

今言類編下 (明)鄭曉撰……………一

卷五

錦衣志 (明)王世貞撰……………一〇三

觚不觚錄 (明)王世貞撰……………一四三

鳳洲筆記 (明)王世貞撰……………二〇一

卷六

奇聞類紀 (明)施顯卿撰……………四四三

今言類編下

鄭曉

武經門 兵權

馭夷

定變

兵權

國初立大都督府皇姪文正爲大都督節制中外諸軍事以其權太重尋設左右都督都督同知都督僉事洪武十三年申輿又以其權統於一衙門設中左右前後五軍都督府分領在京各衛所在外都司衛所其在京錦衣等親軍上直衛又不隸五府若有征討之役以公侯伯及三等眞署都督充

總兵官名曰掛印將軍其在外鎮守地方武臣原無掛印至洪熙元年己二月始頒各鎮總兵叅將佩印總兵六人雲南黔國公沐晟征南將軍大同武安侯鄭亨征西前將軍廣西鎮遠侯顧興祖征蠻將軍遼東武進伯朱榮征虜前將軍宣府都督譚廣鎮朔將軍甘肅都督費瓚平羌將軍叅將四人交趾榮昌伯陳智都督方政征夷副將軍甯夏保定伯梁銘都督陳懷征西將軍後設薊州淮安總兵皆在畿內不得掛印稱將軍京營操練之法

洪武時止爲五軍營分大小教場與城外城內操
練永樂初分爲三大營曰五軍營有步隊馬隊專
教陣法曰神機營皆步隊肄習火器曰三千營皆
馬隊專扈從出入管車輦寶纛等事每營以公侯
伯二人充提督某營總兵官景泰三年軀于肅愍
公謙建議立團營揀三大營中壯健士卒團練就
於三營六提督中揀二人充提督團營總兵官卽
於五府中蒞事文臣提督以兵部尚書是年團營
總兵武清侯石亨遂請故都察院改爲帥府天順

元年丁罷團營成化元年配復立團營尋罷成化三年丁又復團營團營之兵名爲頭撥初團營分爲十營後增爲十二營一營以侯伯都督等官一人爲坐營官有事出征不必揀選但撥某營出征則某營將領其營士卒啟行承平日久團營非復操練之舊又立東西官廳名爲聽征蓋三營變爲團營團營變爲東西廳也祖宗微意不欲武臣權重在内營操官止管操練者無開設衙門亦無印信在内五府有衙門印信理常行行政務至於營操

非特命不得干預蓋五府三營十二營職掌不相
侵也至於出征亦不止大將一人必選二三人各
位謀勇相等者相叅用之出師之日賜平賊討賊
平虜平胡征夷征虜等印或將軍或副將軍或大
將軍隨時酌與必由兵部題請五府亦不得干預
事平之日將歸於府軍歸於營印歸於朝其意深
矣今考洪武三年庚戌征胡以信國公徐達爲征虜
大將軍平章李文忠右詹事馮勝爲左右副將軍
御史大夫鄧愈湯和爲左右副將軍是時達未

封魏國公文忠曹國公勝宋國公愈衛國公和中山侯皆未封也四年_辛伐蜀以中山侯湯和爲征西將軍江夏侯周德興德慶侯廖永忠爲左右副將軍入瞿塘潁川侯傅友德爲征虜前將軍濟甯侯顧時爲左副將軍出秦隴永樂四年_丙征安南以成國公朱能爲征夷將軍西平侯沐晟新城侯張輔爲左右副將軍是時晟未封黔國公輔未封英國公永樂十二年_甲征胡安遠侯柳升領大營都督馬旺陳翼程寬金玉副之甯陽侯陳懋左哨

襄成伯李隆都督朱崇副之豐城侯李彬右哨遂
安伯陳瑛都督費璵胡原副之成山侯王通左掖
保定侯梁瑛都督曹得副之都督譚清右掖新甯
伯譚忠都督馬震副之是時上親征故不立將軍
副將之號宣德五年賊禦胡以陽武侯薛祿爲鎮
朔大將軍總兵官恭順侯吳克忠爲副總兵武進
伯朱冕奉化伯藤定爲左右叅將此意又非但欲
分其權蓋亦難其人以一將將十萬其材豈易得
哉嘉靖庚戌二十虜窺京師朝廷釐革營務罷團

營仍爲五軍營內分十二小營改三千營爲神樞
營神機營仍舊三營其設總督京營戎政公侯伯
一人協理文臣一人五軍營副將二人練勇叅將
二人叅將四人遊擊將軍四人神樞神機營各副
將一人練勇叅將二人佐擊將軍六人以昌國公
故宅爲戎政廳給戎政之印柳葉篆文虎鈕如將
軍所掛印通計京操凡大營三內分爲小營三十
副將以下三十人人坐一營副將用眞署都督叅
遊佐擊用眞署都指揮或都督大抵統軍不專於

一人練軍不專於一人行軍不專於一人皆有意焉

團營始於景泰三年于肅愍公謙建議也兵制本三營一日五軍肄戰陣一日神機習火器一日三千備宿衛此三營中選健銳者合營團操故曰團營然原營之名終不改如軍選自三千營團操於立威營卽名爲立威三千營五軍神機亦如之是三營之有團營卽選鋒也今又於團營中選官軍別名東西官廳保練名聽征而聽征者亦不足用

兵部尚書提督團營將校以黜陟所在乃肯奉法
若別設一尚書專領營務彼知其權輕不肯受約
束掌印尚書又恐一旦有警督營尚書便當統兵
四征又力辭營務耳

嘉靖丁未_{六年}秋兵書陳經被劾王以旂代陳未
幾以河套議出陝西總督邊務劉儲秀代之劉循
例疏辭上怒削籍去趙廷瑞代之不半年兵部更
四尚書近年兵書最久者張瓚邊事大壞自瓚始
瓚有才畧無奈其好貨何

嘉靖壬寅

二十一年

北虜孔棘兵書張瓚恐統兵出禦

於會推總督文臣疏中歷舉往年禦虜皆遣都御史故事奏下吏部時文選郎中謂余曰往時邊事急推總督文臣皆兵部會府部諸衙門議上今乃移吏部又必欲推都御史奈何余曰渠負國恩邊事大壞今猶爲此奸巧渠獨不知虜棘本兵自出乎天順五年李來寇陝西馬昂統兵木麓川之役王驥嘉靖初河西之役金獻民皆本兵也景泰時于少保謙自請行邊嶺南蠻反用兵久無成功議

設兩廣總督于少保亦自請行此獨非故事耶已而廷推首上璚次毛伯溫劉天和三人皆兵書毛掌院劉督團營又次起用翟鵬內批用鵬

紫荆之有提督都御史自孫祥始也薊州之有邊備都御史自鄒來學始也皆景泰初事嘉靖庚戌二十九年俺答犯京城畿內設官多矣紫荆有艾希淳又有侍郎翁萬達經畧薊州有吳嘉會又有侍郎何棟提督通州有都御史王忬天壽山有都御史許宗魯坐院都御史商大節經畧京城內外若景

泰時都御史又有河間蕭啟真定陸矩保定祝暹
居庸王竑巡關侍郎江淵紫荊白羊倒馬大理劉
孔文英少卿曹泰寺丞段信泰尋改叅贊京圻涿
易真保通五路軍務

南贛與湖廣福建廣東相連流賊易起鄖陽與陝
西四川河南相界流民易聚故江西湖廣既有撫
憲此則又設提軍撫治之官也南贛山深而人狡
鄖陽土曠而民貧

永樂十七年十二月勅五軍都督府北京留守後